


平定准噶尔 方略

(七)

〔清〕傅恒等 奉敕纂

《新疆文库》编辑出版委员会
新疆文化出版社



平定准噶尔方略

(七)

[清]傅恒等 奉敕纂



《新疆文库》编辑出版委员会
新疆文化出版社

图书在版编目(CIP)数据

平定准噶尔方略:共9册/[清]傅恒等奉敕纂.
—乌鲁木齐:新疆文化出版社,2016.10
ISBN 978-7-5469-8849-8

I. ①平… II. ①傅… III. ①明清时期战争—史料
IV. ①E294.9

中国版本图书馆CIP数据核字(2016)第260120号

新疆
文库

《新疆文库》编辑出版委员会

平定准噶尔方略

编 纂 [清]傅恒等

责任编辑 吴晓霞

设计总监 宁成春 刘堪海

编务总监 周 轩

出 版 《新疆文库》编辑出版委员会
新疆文化出版社

地 址 乌鲁木齐市经济技术开发区科技园路5号

邮 编 830026

电 话 (0991)3773949

制 版 新疆文化出版社美术编辑部

印 刷 中华商务联合印刷(广东)有限公司

版 次 2017年5月第1版 第1次印刷

开 本 889毫米×1194毫米 1/16

印 张 331印张

字 数 2648千字

印 数 1-1 500册

定 价 1160.00元(全九册)

《新疆文库》官网网址:<http://www.xjwenku.com>

欽定四庫全書

史部

平定津噶爾方略正編卷六十四至七十四

詳校官監察御史臣孫家賢

通政使司副使臣莫瞻菴撰

總校官進士臣朱鈴
校對官編修臣朱紱
謄錄監生臣劉佳瑋

乾隆二十三年十一月丁酉

阿克蘇辦事舒赫德疏奏將軍兆惠等信

舒赫德奏言十月二十日酉刻將軍兆惠差索

倫領催阿勒丹察披甲扎奇勒圖來至阿克蘇

送到定邊將軍兆惠被圍文書并愛隆阿移文

臣詢問阿勒丹察等并移文內稱因捉生詢問

欽定四庫全書

平定淮噶爾方略正編
卷六十四

知霍集占牧羣皆在南山領兵往攻至葉爾羌

城外見賊衆阻河為陣因度橋攻勦過兵甫四

百餘橋斷賊衆四合將軍奮擊兩易馬俱中鳥

鎗斃面及脛俱得傷明瑞福齡安馬陷泥淖明

瑞唇得長鎗傷我兵力戰浮水至營又來馬步

賊萬餘人合圍我兵雖有勦殺以無馬不能衝

突遂掘濠結寨賊亦結寨相持計軍需馬駝尚

可供兩月之食惟軍器火藥不足等語臣伏思

霍集占恃其狡悍敢拒大兵不過暫爾跳梁終

歸殄滅此時新調官兵四千名及趕送馬三千

匹漸次到來計惟速行策應臣與慶隆阿一面

探聽叅贊大臣富德兵至何處一面選派兵馬

趲赴葉爾羌其阿克蘇安設臺站鎮撫回人等

事亦即酌量情形辦理又臣詢知兆惠明瑞俱

傷不甚重其安營立寨亦有木植可用伊等於

被圍後乘夜前行遇見慶隆阿之兵令其先來

欽定四庫全書

平定準噶爾方略正編

卷六十四

二

通信謹將原文進呈

御覽奏入

上諭軍機大臣曰據舒赫德接到兆惠行文知我兵

深入逆賊霍集占等恃其黨眾敢於合圍拒敵殊

可憤恨即當前往策應叅贊大臣富德業經領兵

前進著授為定邊右副將軍阿里衮愛隆阿福祿

舒赫德俱授為叅贊大臣無論何隊兵丁惟擇馬

力有餘者作速前往其攻回城擒獲賊首自不

遼責伊等惟應援兆惠為要至兆惠領兵深入雖未免有輕賊之心亦恐朕責其怯懦若當日令伊暫駐阿克蘇候兵馬齊集當不至此然於現在情形亦未為失策朕豈肯加之責備此時惟堅守以待援師會合回至阿克蘇擊頓兵馬再圖大舉又

富德前奏副都統鄂博什瑚爾起懇請前往回部朕因伊等在軍營年久仍命撤回今值用兵之時著准其前往富德仍酌量賞給具奏至阿里衮所

欽定四庫全書

平定淮噶爾方略正編

卷六十四

三

奏馬駝亦經富德奏請先儘索倫兵一千名乘騎以期速到若阿里衮起程在前而官兵追及時即可給與乘騎可傳諭伊等惟計兵馬同拔軍營方克有濟併傳諭黃廷桂將所奏預備馬二萬匹加意參養吳達善五吉等不必回巴里坤仍速赴哈密預備糧運又

諭曰舒赫德現駐阿克蘇城安撫回眾甚為緊要前以軍營糧運宜多為措置有或向回人等購貯酌

給價值之諭此時宜向伊等以此舉毫無擾累明

白曉示庶不致滋生事端舒赫德既領兵前進著

永貴速赴阿克蘇辦事至慶隆阿領兵不及五百

若應援將軍亦徒損國威無益於事今暫回阿克

蘇尚無可罪惟奮勉以圖後效索倫阿勒丹察等

頗屬奮勉阿勒丹察賜號什倫哈什哈巴圖魯扎

奇勒圖賜號賽音伯勒克圖巴圖魯賞銀各一百

兩

欽定四庫全書

平定準噶爾方略正編

卷六十四

四

戊戌

諭大學士管陝甘總督黃廷桂運送軍需事宜

上諭軍機大臣曰據舒赫德奏到軍營情形看來辦

理回部必需整齊兵力於來年回入收獲時再行

進剿昨已傳諭黃廷桂預備馬匹其糧運一事亦

當加意籌畫再從前兆惠因輕騎進剿將所辦攻

城礮位停止運送但來年大舉恐尚需用併傳

諭黃廷桂仍將從前鑄成礮位及辦造之物料工

入陸續送往阿克蘇以備軍營調取

己亥

賜右部哈薩克阿比里斯等

勅書

奉

天承運

皇帝勅諭右部哈薩克汗阿比里斯哈木巴巴等爾

等遣使卓蘭博索爾滿等於行宮朝覲朕加恩筵

欽定四庫全書

平定準噶爾方略正編

卷六十四

五

宴復隨駕入都重申宴賚念爾阿比里斯等遠在

外藩若照內地扎薩克授以爵秩恐爾等有拘職

守仍依爾舊俗各安游牧庶無擾累爾等如遣使

入覲朕自加以恩賚一切事體已面諭來使卓蘭

等回抵游牧時想宜領悉其賜爾阿比里斯衣物

若干使臣到日爾其祇受又賞來使等衣物若干

及使臣隨僕等市易物件共賞銀千兩又聞爾哈

木巴巴當侍衛等入境時不在游牧故未遣使亦

加恩酌賞衣物若干俱諭爾等知之嗣後勉抒誠

悃永享無窮之福特諭

諭定邊左副將軍成衮扎布派調達什達瓦游牧兵

丁

上諭軍機大臣曰將軍兆惠等被圍亟需策應今擬

分兵兩路一路由阿克蘇烏什一路由特穆爾圖

淖爾夾攻逆賊特遣侍衛官長保瑚圖禮等馳驛

往鄂爾昆於達什達瓦游牧挑選兵丁一千名或

欽定四庫全書

平定縣志卷之五 藝文五
卷六十四

八百五百名俱可令總管鄂齊爾等帶領由阿齊

必濟前往西路會合巴祿之兵來年從特穆爾圖

淖爾進剿可傳諭成衮扎布將現在軍營馬匹辦

給如不足或於得親扎卜等所屬馬匹內通融措

辦給與價值亦可其賞給伊等銀兩已交官長保

等帶往

命兵部尚書都賚派調西安滿洲官兵

上諭軍機大臣曰都賚著馳驛前往西安署理將軍

印務揀選滿洲官兵二千名著將軍嵩阿禮帶領

前往烏魯木齊其應得各項銀兩俱照例辦給

叅贊大臣舒赫德疏奏辦理軍營文報及駐劄

回城情形

舒赫德奏言臣早受

天恩屢蒙任使負罪至重仍邀曲貸忽聞軍營信息

夙夜靡寧惟有速催兵馬帶領應援至現在接

到各處咨呈軍營文報俱係亟應辦理之事未

欽定四庫全書

平定準噶爾方略正編
卷六十四

七

便收貯致滋遲悞臣識見淺陋何敢妄行干預

因駐劄並無大員以公事為重請將所接文報

即行開看酌量辦理奏

聞仍逐一登記俟與將軍會合時呈送查閱至現在

阿克蘇阿璉四人內惟阿卜都噶頗爾辦事頗

有才具其副總管伯克頗拉特巴巴克意見不

甚相合臣數次傳集勸令和衷并告以大兵與

賊相持候兵馬調齊進剿爾等宜嚴行防範因

爾處城小我兵於城外駐劄守護所有通葉爾

羌喀什噶爾要隘俱安設卡倫庶無疎失回衆

聞言俱甚感激其烏什城有伯克霍集斯妻子

及衆伯克在內係貝子玉素富遊擊職銜丑達

駐守現俱安靜近准將軍兆惠調取庫車賽里

木綠旗兵二千名馳七百隻臣以現在情形不

必遣發綠旗兵丁擬行文玉素富酌量調往烏

什其餘存留阿克蘇再候軍營信息其駝隻仍

欽定四庫全書

平定回疆方略正編
卷六十四

辦給各隊續進官兵至回人應交糧米亦令其

作速辦納奏入

上諭軍機大臣曰舒赫德奏稱阿克蘇回人等現俱

安靜毫無可疑所有通葉爾羌喀什噶爾要隘俱

安設卡倫其應交糧米亦令其作速辦納等語所

辦殊合機宜昨已命為叅贊大臣今又授為副都

統宜加意奮勉至令回人交納糧米之處仍遵前

諭曉示以內地糧運陸續即至將來或償還本色

或給與價值斷無絲毫擾累仍不可稍露防範情形如得有軍營信息作速奏聞

申諭叅贊大臣公阿里衮趙送馬匹事宜

上諭軍機大臣曰昨諭阿里衮所送馬匹務與各隊

官兵相值同抵軍營伊既為叅贊大臣則所遇各

隊官兵俱可酌量指示或令與原馬替換棄騎或

馬步相兼行走以息馬力總應相機辦理若但以

速到為事催促行一抵阿克蘇即已疲乏更屬

欽定四庫全書

卷六十四

平定淮噶爾方略正編

九

無益伊前聞軍營調馬之信即親身趨送頗屬奮

勉今又命其承襲公爵可傳諭阿里衮更當奮勉

行走其帶領新調官兵之福祿訥齊訥豐訥亨等

亦當愛惜馬力以期進勦無悞俱著傳諭知之

申諭定邊右副將軍富德賞給官兵等事宜

上諭軍機大臣曰昨諭富德將鄂博什瑚爾起仍帶

往回部酌量賞給具奏此等官兵久在軍前勤勞

可念著照初次出兵之例賞給又吉林革職協領

兆齊從前追襲善披領集賽等致賊脫逃今在烏魯木齊隨努三勦殺嗎哈沁頗屬奮勉併傳諭富德將兆齊酌量委署職銜令於軍營効力

庚子

諭郎中魚佐領職銜三寶曉示達什達瓦游牧

上諭軍機大臣曰三寶等前經呈報達什達瓦屬人窮感情形深可憫惻已諭將存貯籽種三百石全行散給又布林等告稱伊等情願向內遷移承愛

欽定四庫全書

平定縣志卷六十四
五編

恩澤等語伊等既願內移則來年交春後三寶即率領伊等量力行走至熱河居住但計遷移之前為日尚多僅給籽種亦不敷食用是以從伊游牧選兵一千名前往西路不但入選官兵優加賞給即其餘人等亦酌給三分之一庶伊等普需思齊不致拮据似此格外施恩特因伊等自遷移游牧以來感戴朕恩安靜守分將來支給錢糧更於生計有益可傳諭三寶將此曉示布林等俾眾皆知

悉

諭大學士管陝甘總督黃廷桂等辦送西安官兵事

宜

上諭軍機大臣曰現在派調西安滿兵二千名前往

烏魯木齊此項官兵若未經預備馬匹即照辦送

健銳營兵丁之例辦給車輛即使馬匹足用亦不

妨仍用車輛俾有餘力可傳諭黃廷桂鐘音即為

預備又

欽定四庫全書

平定准噶爾方略正編
卷六十四

十一

諭曰適諭黃廷桂鐘音辦送西安官兵俱由驛站但

由陝至甘自甘出口恐僱備車驟不無拮据河南

與西安接壤巡撫胡寶瑤諳悉過兵事宜可傳諭

令其約計足供二千兵丁之用解赴西安其西安

所辦又可接濟甘肅則黃廷桂吳達善祇需料理

兵丁出口之事更覺簡便安速但官兵自西安起

程本鐘音分內事今命胡寶瑤伙助蓋專為甘省

辦差甚多俾有餘地可以集事鐘音不得因有此

旨遂卸責於胡寶瑋所有河南車騾一入陝境即

應預飭地方官供支草料等項毋致缺乏其河南

所辦若能多送數站更為有益伊等奉到此旨即

遵照酌辦一面奏聞

命授叅贊大臣舒赫德為吏部侍郎

辛丑

定邊將軍兆惠等疏奏攻城勦賊情形

兆惠奏言十月初六日臣等派兵二千餘名聚

欽定四庫全書

平定準噶爾方略正編

卷六十四

十三

集馬駝選巴圖魯兵二百名令公明瑞巴圖魯

侍衛寧古禮為中軍前隊臣等率侍衛鄂實福

齡安及閒散侍衛等為中軍總兵高天喜領礮

鳥鎗隨中軍轟為後隊左翼前隊令副都統溫

布侍衛富紹巴圖魯侍衛奎瑪岱鄂里克塔後

隊令副都統慶隆阿巴圖魯侍衛齊努渾侍衛

特通額管領右翼前隊令副都統由屯侍衛德

爾森保巴圖魯侍衛扎延保後隊令總管端濟

布喀爾喀公朗衮扎布阿拉善公滾楚克巴圖
魯侍衛諾爾本管領仍令明瑞等以熟識霍集
占之回入厄魯特使行如霍集占親身出戰即
併力擒拏或發矢競射又派兵二百名令巴圖
魯侍衛喀喇瑞綽爾圖厄魯特散秩大臣達什
策凌在前誘敵其各部回兵俱令該總管等率
領在中隊兩翼之間各按隊伍執纛前進至葉
爾羌城東北五六里見高臺一座上有騎賊四
欽定四庫全書

欽定四庫全書



平定準噶爾方略正編

卷六十四

十三

五人據伯克霍集斯云臺上賊施放鳥鎗臺前
及近城俱掘大坎埋伏賊人以防衝突臣等隨
傳令左翼官兵自坎東向西進攻右翼官兵覓
路向東進攻誘敵兵則直前衝突又令溫布愛
隆阿領兵奪臺其時臺上坎下及破屋空院內
埋伏賊眾放鎗拒戰見我兵衝突乘馬敗逃我
兵躍坎追擊直至城下臣等將中軍排立賊於
兩門內各出四五百騎對陣我誘敵兵欲使賊